



Broj: 01-42-2-1962-6/17
Sarajevo, 15.01.2018. godine

STRUČNJACIMA U ISELJENIŠTVU IZ BOSNE I HERCEGOVINE

PREDMET: Poziv za uključivanje u aktivnosti na prenosu znanja iz iseljeništa u BiH

Poštovani,

Ministarstvo za ljudska prava i izbjeglice Bosne i Hercegovine, u okviru svojih nadležnosti za iseljeništa, zaduženo je za provođenje dokumenta "Politika o saradnji sa iseljeništvom" koju je Vijeće ministara Bosne i Hercegovine usvojilo na 99. sjednici održanoj 18.4.2017.godine ("Službeni glasnik BiH", br. 38/17). Dokument Politika predviđa mjeru 3.3. *Mobiliziranje ljudskih potencijala, znanja i vještina iseljeništa* što će biti realizovano između ostalog i kroz uspostavu mehanizma za prenos znanja iz iseljeništa u BiH s ciljem većeg doprinosa razvoju Bosne i Hercegovine.

Dio aktivnosti na prenosu znanja iz iseljeništa u institucije i javne ustanove u Bosni i Hercegovini realizuje se u okviru projekta "Dijaspora za razvoj" (D4D). "Dijaspora za razvoj" je projekat Vlade Švicarske i Ministarstva za ljudska prava i izbjeglice Bosne i Hercegovine u partnerstvu sa Razvojnim programom Ujedinjenih nacija (UNDP) i Međunarodnom organizacijom za migracije (IOM) u Bosni i Hercegovini.

U okviru ovog projekta predviđen je prenos znanja iz iseljeništa u BiH kroz kratkoročni angažman (do tri sedmice) ukupno pedeset stručnjaka i akademskih radnika iz svih oblasti u iseljeništvu u periodu od 2018. do 2020. godine s ciljem doprinosa realizaciji aktivnosti utvrđenih u Politici o saradnji sa iseljeništvom.

Stručnjaci će biti angažovani u institucijama na svim nivoima vlasti u BiH i javnim ustanovama u BiH na osnovu iskazanih potreba.

Pozivamo stručnjake iz iseljeništa koji putem prenosa svog znanja i iskustva žele pomoći razvoju BiH, da popune priloženi obrazac i dostave ga Ministarstvu za ljudska prava i izbjeglice BiH na adresu iseljenistvo@mhrr.gov.ba.

Prednost će imati prijave koje direktno doprinose realizaciji Politike o saradnji sa iseljeništvom.

Izbor prijavljenih stručnjaka iz iseljeništa vršice komisija za odabir u čijem sastavu će biti predstavnici Ministarstva za ljudska prava i izbjeglice, IOM i institucije / ustanove koja je iskazala potrebu za angažmanom stručnjaka.

Napominjemo da će troškovi angažmana stručnjaka iz iseljeništa (put i dnevnice za smještaj i hranu) biti finansirani iz sredstava projekta "Dijaspora za razvoj", dok će sam angažman imati volonterski karakter.

Ukoliko trebate dodatne informacije, molimo vas da kontaktirate Ministarstvo za ljudska prava i izbjeglice - Sektor za iseljenistvo na: iseljenistvo@mhrr.gov.ba, tel. 033 703972.

S poštovanjem,

MINISTRICA
Semiha Borovac



Prilozi:

- Prijavni obrazac
- Politika o saradnji sa iseljeništvom